



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

Ca. 18.

urn:nbn:de:hbz:466:1-39463

quoniam profectum hunc vicissim regerere liceat, nullos à sacerdotibus renuerti gloriam Deo daturos. Hæc ille. Sed ut hominis impietatem præteream, qui eodem cauillo Christi quoque ^{Caluini} sa-
nantis gratiæ ludibrio exponit, à quo quum deceam sanaretur, ^{scomma}
decima tantum pars dedit gloriam Deo, stuporem eius, quo ^{in Christic} redundat.
percuslus videtur, annotabo. Hoc ipso quippe in loco aliud
subiecit, quo scipsum pulchre refutauit. Ait enim. Quāquam
nouem leprosis nihil in salutem profuit carnis sanitas, sed tan-
tum pro fluxa & caduca fide temporale donum adepti sunt, sub
hoc tamen typo nobis ostēsum fuit quām efficax futura sit vera
fides. Hæc ille, priorem suam stupidam cauillationē ipsem et Caluirus
refutans. Eodem enim modo quanquam nouem istis leprosis ^{ex seipso}
nihil profuit carnis sanitas, sed tantum pro fluxa & caduca refutatur.
obedientia eundi ad sacerdotes, ut Christus iussit, temporale
donum adepti sunt; sub hoc tamen obedientiæ typo nobis
ostensum fuit quām efficax futura sit vera Christianorū obe-
dientia, qui verè contriti adeunt sacerdotes, qui soluendi &
ligandi potestate acceperunt, ut ab illis soluātur. Sic in eadem
pagina sui præ stupore oblitus, scipsum refutat. Quemadmo-
dum nihil præjudicat aut veræ fidei, aut Christi sanitatis virtuti,
istorū nouē incredulitas: sic nihil præjudicat veræ in Ecclesia
Catholica peccatorum cōfessioni, aut sacerdotali absolutio-
ni, istorū nouem typica ingratitudo, vel ad vomitū reuersio.

IN LVCAE CAP. XVIII.

II. Deus, gratias ago tibi, quia non sum sicut
cæteri homines.

MULTIS verbis contendit hoc loco Caluinus, ut Operum
veram operum iustitiam quæ ex Spiritu S. gratia ^{vera iusti-}
procedit, à Christo damnari doceat. Iste (inquit) ^{tia defen-}
^{ditur.} Phariseus Dei gratia ascribit quod iustus est, & quā-
quam Deo gratias agens fareatur quicquid bonorum operum
habet, merum esse Dei beneficium, quia tamen operum fiducia
innititur séque alijs præfert, cum sua precatione raijicitur: unde
colligimus non rite neque insolidum humiliari homines (quāuis
se nihil posse reputent) nisi operum meritum simul diffisi, salutem
suam in gratuita Dei bonitate collocare discant. Et paulò post.
Reprehēdiunt in ea parte Phariseus, quia meritus suis innititur,
ut Deum propitium habeat, quia dignus est. Sciamus ergo, quā-
uis bonorum operum laudem Deo quis ascribat, si tamen eorum
iustitiam imaginatur salutis sue causam esse, vel in eam recubit,

Bb

peruersa arrogantis damnatur. Hæc omnia Caluinus, totam

historiam Euangelicam peruerit. Christus hanc parabolam
introdixit, non ut doceret nullam salutis causam esse veram

**Parabolæ
scopus.** opere iustitiam, aut ut omnem bonorum operum fiduciam
damnaret, quod utrumque Caluinus dicit; sed ut illam fiduciam bonorum operum damnaret, qua putent se aliqui
satis iam iustos esse ac plenos iustitia. Hoc enim est, quod

Lucas dicit, *Ad quosdam qui in se confidebant tanquam iusti*, id

est, qui sibi persuaserant (ut Beza vertit) se iam satis iustos es-

se. Vnde Aug. de Phariseo isto dicit, *quod in operum suorum*

*mer. & re-
miss. lib. 2.
cap. 5.* *iustitia confidebat, quasi eius iam plenitudine saturatus.* Rur-

sum ideo hanc parabolam proposuit, ut illam fiduciam dam-

naret, quæ cum aliorum contemptu coniuncta erat: id est, fal-

sam & vanam iustitiae fiduciam. Nulla enim ibi iustitia est,

ubi arrogantia regnat. Ideo adiecit Lucas, *Et qui aspernab-*

tur ceteros. Quod vitium Paulus dum arguit, simul docet fi-

duciam boni operis simpliciter non esse malam. Opus suum

unusquisque probet, & sic habebit gloriam in semetipso, non a

altero. Unusquisque suas actiones consideret, & sic in sua sola

conscientia gloriandi materiam habebit, non in peccato al-

terius, sicut iste Pharisæus fecit. Sic Caluinus quod Christus

de saturitatis fiducia, eaque falsa ac vana, dixit, trahit ad om-

nem fiduciae circa bonorum operum iustitiam condemna-

tionem, & (quod impudentius est) ad ipsam quoque bonorum

*operum iustitiam damnandam. Quod ergo dixit, *damnari**

Pharisæum, quia operum fiducia innititur, falsum est. Rursum

quod addit, eum cum sua precatione reiectum esse, falsum est.

Nam, ut bene notauit S. Aug. *Quare in verbis eius quid Deum*

rogauerit, & nihil inuenies. Sed & quod addit, reprobatum Pha-

risæum, quia meritis suis innitebatur ut Deum propitiū habet,

falsum similiter est. Reprehensionis cause illæ sunt quas Eu-

gelium expressi, non quas Caluinus fixit. Nempe quod co-

fidebat in se tanquam iusto, & quod alios aspernabatur. Illa quo-

que confidentia damnatur, quia cum aliorum contemptu con-

iuncta, ideoque vana ac falsa erat.

Aduerit hoc ipsum Caluinus, & diluere conatur. Sed qui-

ritur (inquit) quomodo tanta iam sanctimonia preeditus fuerit,

qui impi fastu execratus erat? Neque enim aliunde manata tan-

ta integritas nisi à Dei Spiritu, quem certum est minimè in hy-

poeritis regnare. Hæc ille. Est bona & valida obiectio, & qua

firmiter probat hunc Pharisæum non habuisse veram iusti-

tiæ operum, neque in vera iustitia fiduciam posuisse, sed

languam

Gal. 6.

Caluini
tria m:n-
dacia.
Serm. 36.
de verbu
Domini.

laruam tantum extērnam iustitiae habuisse, & opera quēdam bona iuxta substantiam actus, cūm cor interea fastu & hypocrisi plenum esset. Ad hanc ergo obiectionem quid respōdeat Caluinus, attētē dispiciamus. Respondeo (inquit) extēra tan-
tum larua fuisse consūmum, ac si occulta & interior cordu immū-
dities in rationem non veniret. Quare licet prauis concupiscētijs
intus scateret, quia tamen non nisi ex specie indicat, securē inno-
centiam obtendit. Hęc ille. Atqui hoc totum obiectionem *Caluinus*
confirmat, non soluit. Quum enim hoc totum non nisi hypo-
critam illum fuisse conuincat, in hypocritis autem Spiritus S. *obiectionē*
quam mo-
uer, non
(vt ipse Caluinus dixit) non regnet, & vt plenius Scriptura di-
soluit, sed
cīt, prorsus non habitet, sed fugiat factum perspicuum est, nul-
lam in isto sanctimoniam, nullam veram iustitiam fuisse; *Sap. I.*
ideoque contra piā & humilem militiā bonorum operum
fiduciām hoc exemplum non facere.

Addit adhuc aliquid Caluinus. Dominus quidem ipsum va-
nitatis non coarguit, quod sibi falsò tribuat quod non habet; te-
nendū tamen est, neminem à rapina, iniustitia, libidine, & aliis
vitii purū esse, nisi qui Spiritu Dei regitur. Hoc totū est quod
respondeat, & hic tandem aliquid respōdise videtur, quia iam
inuenit, quomodo in tanto hypocrita Spiritum Dei regnare
ostendat. Nemo, inquit, purus est à rapina & alijs vitijs, nisi qui
Spiritu Dei regitur. Primum Phariseus iste non se dicit pu-
rum ab his vitiis, sed tantum ab actu flagitorum, quod non
esset raptor, iniustus, adulcer. Atqui ab actibus flagitiosis ab-
stinent innumerī ethnici, qui Spiritu Dei non teguntur. De-
inde non omnis qui ab ipsis etiam prauis affectibus immunis
est, ex dono fortē Spiritus S. à Spiritu S. regitur. Qui enim à
Spiritū S. regitur, non solū ab illis prauis affectibus, sed etiam
ab hypocrisi & impio fastu imprimis purus est. Nihil ergo
omnino respondit Caluinus, & manet obiectio firma, ideoq;
& tota eius prior disputatio vana. Denique *insignis hic locus*,
ut eum vocat, nihil cum iuuat, nihil Catholicam doctrinam
lædit, quæ docet ex bonorum operum iustitia homines co-
tam Deo verè iustos esse; quia talis iustitia verum Spiritus
S. donum est, & veram fiduciā parit, qua ium in Domino *1. Cor. I.*
gloriatur, tum in semetipso gloriam habet; quod utrūque Pau *Gal. 6.*
lus dixit: sed nō sicut iste Phariseus, gloriam habet in altero. i.
non se p̄fert aliis, nec de aliorum peccatis, quibus ipse ca-
ret, gloriandi materiam accipit.